

1. Die veränderliche Schwirrfledermaus (*Nycticejus Temminckii*).

*N. leucogastris* magnitudine; capite cuneiformi supra et in lateribus plano, rostro mediocri obtuso abrupte terminato, sicut et labia pilis longioribus teneris obtecto; naso leviter emarginato, naribus deorsum directis; auriculis valde distantibus oblongis, breviusculis, capite brevioribus latis, in margine exteriori parum excisis et versus oris angulum protractis, supra rotundatis; trago oblongo falciformi, apicem versus attenuato et paullo antrorsum curvato, supra rotundato; oculis proportionaliter majusculis protuberantibus, collo crasso, trunco incrassato in posteriore parte sensim attenuato; alis longiusculis latis, maximam partem calvis, juxta corporis latera tantum parce pilosis diaphanis, ad digitorum pedis basin usque attingentibus; patagio anali lato, supra infraque calvo, in medio fibris muscularibus percurso et in margine postico calcaribus tenuibus suffulto; cauda longa, corpore distincte brevior et antibrachii fere longitudine, articulo ultimo prominente libera; corpore toto pilis brevissimis incumbentibus mollibus sericeis dense ac large vestito; colore valde inconstante, secundum aetatem, nec non tempora anni variabili; in animalibus adultis in majore anni parte aut notaeo vivide castaneo-fusco, gastraeo rufo, aut notaeo nitide rufo-fusco, gastraeo albido rufescente-lavato et interdum notaeo castaneo-fusco et obscurius fusco-variegato, gastraeo albido et flavido-vel rubido-maculato, aut notaeo fusco, gastraeo sordide flavo, lateribus corporis capitisque nitide dilute rufescente-lavatis; in vernali tempore notaeo nitide olivaceo-fusco, gastraeo ex flavescente fusco-griseo; alis fuscis nitore fulvo; colore in animalibus junioribus supra sordide olivaceo vel rufescente, infra flavescente-rufo.

*Vespertilio Temminckii* Horsf. Zool. Research. Nr. VIII. p. 1. c. fig.

„ „ Griffith. Anim. Kingd. V. V. p. 261.  
Nr. 14.

„ „ Fisch. Synops. Mammal p. 108, 552. Nr. 21.

*Nycticejus Temminckii*. Temminck. Monograph. d. Mammal. V. II.  
p. 149. t. 47. f. 3—6.

*Scotophilus Temminckii*. Gray. Magaz. of Zool. and Bot. V. II.  
p. 497.